

i. e.

De

# U<sup>su</sup>&AbusuPotu<sup>s</sup>

Calidi cum herba THEE,  
EXERCITATIO,

*Quam*

Sub Præsidio

DN. JOHANNIS THILE.

Med. Doctoris, Botan. & Anatom.

Prof. Publ. Sereniss. Princip. Anhalt.

Archiatro,

*Dn. Patroni atque Præceptoris*

*venerandi,*

Publico expositurus est

CAROLUS CHRISTIANUS  
KIRCHMAJERUS,

Wittebergensis,

*Ad D. XXXI. Decembr. A. M DC LXXXVII.*

*In Auditorio Medico.*

---

WITTEBERGÆ,

Excudebat CHRISTIANUS SCHRÖDTERUS, Acad. Typ.









## Prodromus.

**E**ffatum est ex Tripode prolatum  
 illud *Curtii* L. 4. c. 10. de gest. Alex.  
 Magni: *Nulla res efficacius multitu-*  
*dinem regit, quàm superstitio:* quod in  
 universum tamen ad opinionem &  
 imaginationem, sæpiùs ridiculam,  
 accommodari potest. Domina  
 hæc animorum, atque utinam non crebrò etiam tyrannus,  
 imperat diviniore parti hominis, intelligenti animæ. Quis  
 etenim ignorat, potiore Orbis habitati partem ad in-  
 epta & ex se incredibilia, propter superstitionem & opi-  
 nionem, vel à teneris impressam, vel exemplo digniorum  
 haustam abripi, non in civilibus duntaxat, sed & sacris?  
 Testimonio religionum idololatria & diversitas cum inter  
 Christianos est, tum inter alios, Etræos & Muhammeda-  
 nos maximè; de quibus nihil ad nos attinet in præsens  
 scribere. Id monuisse satis sit, quod vulgò dici solet:  
*Mundus regitur opinionibus.* Opinio videlicet effecit,  
 cur, quæ benignitas divina affatim suggessit nobis alimen-  
 ta & medicamenta, pedibus subjecta, oculis objecta, exole-  
 scant, & in tanto æris desiderio, ingenti redimantur pretio  
 ab exteris. Eò degenerârunt plurimi, ut malint desperi-  
 re transmarinis mercibus ac rebus, quàm quotidianis pas-  
 sim obversantibus, & moderato harum usu prorogare vi-  
 tam.



tam. Quasi à Natura derelicti sint, ut ultra Herculis columnas medicinæ & opsoniorum causâ evagandum sit & vel ab insula *Taprobana*, vel *Gange* fluvio, aut ab ignoto Nili ortu talia sint expetenda? Hûc progressi sunt insaniæ nonnulli, ut *edules nidos* & opiparos è Regno *Tungvin* versus *Cochinchina*, ad *Gallos*, *Anglos*, *Batavos* delicias advexerint: de quibus curiosus sine compari lustrator gentium, *Dn. Job. Baptist. Tavernier* part. 2. Itinerar. rerum Indic. l. 4. c. 2. fol. 65. scribit: *Indem ich von denen Niedlichkeiten dieses Landes rede / will ich ein paar Worte von einer Art Speise / die seltsam gnug ist / alhier melden / das sind nun Vogelnester / welche nur in 4. Insuln / an den Seiten nach Cochinchina / anzutreffen. — Wenn man von Sachen / die damit zugerichtet sind / isset / deucht es einen / als wären diese Nester von allerley Gewürk / so in Orient zu finden / gemacht; sind ohngefehr so groß / als bey uns die Schwalbennester. Sie werden überall in Indien herum geführt / auch nach Holland / nur zur curiosität; vornehmlich aber nach Tunquin, da dieses seltsame Leckerbissen herkommet. Ich habe derer nicht allein in Frankreich gebracht / und solche vornehmen Leuten verchret / sondern habe derer noch zum Beweis der Wahrheit etliche / die einer meiner Freunde mit aus Holland gebracht. &c.* Quid per gulæ hæc irritamenta aliud lucramur, quàm ut ad horum stata intervalla novi exteriorq; faviant in corpus morbi? Et veluti in tantâ æris ægestate perdi aliter pecunia non possit, nisi per humanum corpus egerantur emptæ pretiosè etiam ab Antipodibus! Quàm facilè erat, supervacuis carere, si compescere luxuriem, aut exuere opiniones stolidas nostrates Europæi possent. Inde immensa narium gulæqve ministeria, & exquisitissimi paratus terculorum. Parum abest, ut exemplo *Elagabali* hi tales Psittacorum



lingvas ad luxûs infinitam ostentationem denique appo-  
nant. Longiùs enumeratu foret, si imaginarias, aut supra  
fidem tamen dilaudatas *Moxa*, *Nisi*, lapidisq; *Bezoar* adul-  
terati toties virtutes (*Badzabard* appellant *Persæ*, *Arabes*,  
*Scaligero* in opere subtilit. *Velschbiog*, testibus, præfat. de  
*Ægagropil.*) examini subjicere ingrediamur. *Succolata*  
parcimus & *Coffi*, propter Asiæ & Africæ consensum; intra  
seculi unius spatium nobilitatis adeò, ut, cum ignoraretur  
*Coffi* usus antea, ab Eremita *Schicksiadeli* inventus supra  
annos XC. nunc in Anglia, Belgio, Germaniaqve vertat  
in familiarem potum. Solum nunc sufficiat expendi dili-  
gentiùs Idolum Herbae THEE. Faxit Deus, ut hic labor  
in Naturæ veritatem, proximi salutem, & imprimis glori-  
am divinam expetat & cedat!

## CAPUT I.

### *De Antiquitate & utilitate potûs calidi.*

#### §. I.

**S**Apienter, uti solet, *Baco de Verulamio* in Hist. vit. & mortis :  
*Miramur*, scribit, *quomodo illud calidum bibere (quod apud  
Antiquos in usu fuit,) in defuetudinem abierit.* *Bernard. Swalbe*  
autem in *Ventric. qverel.* ad veterum & recentior. mores hodiè re-  
spiciens : *Malè*, inquit, *etiam calida in luxum versa.* Si quis & usum  
& abusum herbae *Thee*, *Coffi*, & similium consideret, ut passim seculi  
in morem vertit, meritò accuset potiones calidas in luxum ver-  
sas. Contra Medicum Romanum quendam, quem non nominat,  
promisit ex professo se disputaturum *Bartholomeus Paschettus*, *Ve-  
ronensis* lib. 2. de *Destillat.* c. 4. uti confutaret asserentem, neque  
olim veteres, nec hâc ætate Indiarum populos potu calido in pri-  
mis uti. De antiquis multa eleganter *Job. Guilielmus Stuckius*,



1. 3. Convival. c. 6. Prolixissime aggressus rem *Antonius Persius*, conscripto Idiomate Italico tractatu, plurimis desiderato, paucioribus fortasse viso, nec translato in Latinum hactenus sermonem, „cujus illa est inscriptio: *Del bever caldo, costumato da gli Antichi Romani, Trattato d' Antonio Persio; nel qual si bruova con l' historia & effempio de gli Antichi, & con la ragione, che il bere fatto caldo al fuoco e di maggior giovamento & forse anche gusto, che non e il freddo hoggidi usato, al Papa Clemente Ottavo.*

§. II. Quædam etiam ad historiam hujus rei pertinentia produxit *Ludovicus Nonnius, Antwerpianus* Medicus, de re cibarij. l. 4. c. 6. Qui de *Θεγουπορία* i. e. potu calido Dissertation. Medicæ, conscripsit & Argentorati publicavit Celeberrimus Professor atque Medicus ibidem, *Marcus Mappus*, ad *Johannis* provocat. *Freinsheimii* dissertatiunculam de potu calido, perscriptam ad Archiatrum illustrem olim, *Joh. Kuefferum*. Ut vel inde certum sit, errasse *Hieronymum Mercurialem*, studiis & ratione veterum exercitum, cuique in quamplurimis nec cura in pervestigandis antiquissimis, nec explicandi defuit judicium, (ut cum *Freinsheimio Conringius* ὁ πάλιν censuit in Introd. ad universam Medicinam, quod asseruisset: Nunquam bibisse calefactam aquam veteres inter convivia; vel, tantum aliquâ affectos valetudine, vel illos denique, qui cupiebant vomere; ut copiosius ingurgitarent, ante cœnam aquæ calidæ fuisse usos potu. Quam sententiam fecerunt quoque suam, teste *Mappo*, dissert. Medicâ de pot. cal. §. 17. pag. 7. *Nicolaus Masinius, Casenas* lib. de pot. gelidi abusu; *Horatius Augenius*, Tom. 3. Epist. Medic. l. 10. epist. ult. *Andreas Baccius* in histor. vinor. l. 4. *Iosephus Castalio* de frig. & calidæ potu, aliiq; *Nonnio* monente.

§. III. Potum illum veteres vocârunt *caldum*, sive calidum per syncopen, & *potum calidæ*, maluerunt dicere, quàm calidum. Sic *Martialis*:

*Caldam poscis aquam; nondum mihi frigida venit.*

Aqua ista etenim decoquebatur, & excocta denuò frigidabatur; cujus



cujus voluptatibus adhibitæ jam moriturus exclamavit Nero Imperator: En decocta est Neronis! vid. *Cass. Barthius* lib. *Advers.* 10. c. 1. Lepidam de *calda aqua* retulit historiam *Christoph. Lehmann*, Chron. Spirens. l. 2. c. 45. *Calda potio* Arnobio non tantum, sed & *Vitruvio Horatioq;* nota. *Tacitus* Annal. 13. c. 17. v. 3. ubi de *Britannico* extincto per venenum agit, potionem memorat præcalidam exhibitam in cœna. Testimonia collegit plura Nobiliss. *Freinshemius*, Romanos pariter ac Græcos veteres non tantum in usu, inter sanos atq; ægros, sed & in deliciis conviviiisque publicis potiones habuisse calidas. Tantoperèq; potius calidi amore captum pop. Rom. ut mollitiem & luxum pœnis coercere opus foret; penes quos potestas erat prohibendi. Neque heri demum nudiusve tertiùs in Oriente ultimo *Sinenses & Japonii*, sed ab antiquo tempore, ut ipsi confitentur, observarunt morem calidæ bibendæ. Medicus insignis *Nicolaus Tulpius* lib. 4. *Observ.* Medic. cap. extr. exempla talia collegit multa; quibus adde, quæ de potu *Coffi* seu *Coava* Arabum, nec non Ægyptiorum *Prosper* attulit *Alpinus* lib. de Ægyptior. Medicin. & illor. plantis. Conf. & *Bartholom. Paschett.* l. 2. de *Destillat.* c. 4. & *Dn. Laurent. Straussium* disp. de *Coffi*.

§. IV. Præter verum necessariumq; differentiam admittit inter *calidam & caldam* lib. 5. circ. fin. de abusu potus gelidi *Masini*; secundum quem vocatur aqua *calefacta calida*; sed *calda*, quæ in conditione naturali permanet; nulloq; casu fit calidior, frigidiorve. Sed fallitur, aut fallit; dum promiscuum ignorat vocis usum. Sic *caldarium* veteribus significabat balneorum locum; testibus *Vitruvio*, lib. 5. c. 10. & *Statio Caldarium* æs *Plinio* vocatur ductile; quod funditur tantum, & fragile à malleis evadit. *Caldus, caldius, caldiss.* probavit *Varro* de re rusticâ; *caldariamq;* cellam refert *Plinius* in Epistolis; ut *caldamentum* cin warm Tuch / *Marcellus Empiricus*, aquamqve *Caldam* *Ulpianus* l. 19. §. 2. D. Locat. Cond. *Caldor* usitatum nomen. *Gellio, Varroni & Arnobio, Caldarium* vocavit hypocaustum *Greg. Turonens.* c. 98. de glor. Confess. ap. *Voss.* de vit. serm. Quamqvàm

vascul



vasculum per id intelligat *Borrichius Illustris*, p. 54. in *Cogitatione de L. L.*

§. V. Sed missis his, ad rei & vocabuli antiquitatem pertinentibus, utilitatem potius calidi spectemus potius. Innumera proferri facile exempla possent horum, qui à potu frigida, aut lavandi solo usu, immaturum sibi obitum accelerârunt. De potu autem calido, quod damnum magnum aliquod intulerit, nil quicquam annotatum reperiri scribit *Perfius* laudat. *suprà c. 12.* Qui „sub fin. c. 5. pace *Plinii* fatetur: Anzi vo dir qvesto, con pace di „*Plinio*, & di chi altrimente sente, che sia più naturale il ber caldo al huomo, che non e il freddo. *Rationes vis?* has accipe: *Natura sani hominis & vivi in calore debito consistit.* Quare veteres, inprimis *Aristoteles, Hippocrates*, (& qui non tandem?) τὸ θερμὸν, τὸ θεῖον, vitæ pabulum & alimentum nominârunt, *Calidum innatum*, appellantes. Nulla res elementaris adeò cum vitali luce insitâ symbolizare solet, atque τὸ θερμὸν. Infantibus in utero, & extra uterum *Natura provida* de potu calido prospexit primùm. Quid? quod bruta quadrupedia tenella, agni, hædi, vituli, eqvini aliique pulli, matrum ubera lactendo, potum calidum & depellendæ siti, & stabiliendæ vitæ maximoperè commendent. *Thermarum usus*; non externus ille modò, sed & internus, cur conducit adeò, quàm quod analogus sit vitæ? *Certè jussula illa*, „inquit *Dn. Freinshemius*, quæ, cum cibum capimus, ferculorum pompam ferè ducunt, quantum distant à potu? Sane videor videre mihi quædam in illis antiqui moris vestigia; præsertim cum *Hispani* ipsum adhuc vocabulum „*CALDO* servant. Quin & *Galli* nomen jussulis à potando, (potages) nostrates à sorbendo *Suppen* dedere. Itaque nunc etiam per totam propè *Germaniam* aliàs cerevisiæ, aliàs vina calida bibuntur, crebriusq; atq; copiosius, quàm ut medicamento causâ sumi credas. Hæc *Freinshemius* verissimè.

§. VI. Præterea certissimum est, corrigi decoctione ac salubriora reddi optimè ad ignem calefacta. Et quis nescit, novas etiam



etiam impuras, noxias & crudiores emendari coctionibus solere? Paucis multa: Amicum calidum naturæ nostræ; inimicum verò frigidum. Sapienter, uti ferè omnia, *Hippocrates*, Aph. V. Frigidum inimicum ossibus, dentibus, nervis, cerebro, dorsali medullæ, calidum amicum. Frigidum convulsiones, tetanos, nigrores & rigores febriles affert. v. 17. Frigidum ulceribus mordax, cutem obdurat, insuppurabilem dolorem facit, convulsiones creat. v. 20. Herpetibus exedentibus, sedi, pudendo, utero, vesicæ, his omnibus amicum calidum, interimens & inimicum frigidum. *Hippocrates* Latinus *Celsus* l. 9. Frigus inimicum Seni, tenui, vulnere, præcordiis, intestinis, vesicæ, auribus, coxis, scapulis, naturalibus, ossibus, dentibus, nervis, vulvæ, cerebro. &c. Tenendum nihilominus, excessum omnem & abusum, dum in nimium abire solet, inimicum; moderata verò tutiora semper. Inde interim patefcit, non tam propter vires herbæ *Thee*, aut *Coffi*, quàm propter calidas inprimis portiones consuli ventriculo & intestinis:,, abluui ac dilui sylvestres, acidos & venenatos sæpius in corpore,, liquores, sales, atq; succos beneficio thermoposix; quod probandum erat.

## CAPUT II.

### *De Elogiis Herbæ THEE ac usu.*

#### S. I.

**N**Ec primus, nec potissimus encomiastes extitit Idoli hujus Dn. *Cornel. Bontekœ*, cum in praxi sua, tum in theoria scripti, editi German de *excellenti herba Thee*; nec solum ante hoc triennium proluxo carmine ornavit hanc *Sinensem Theam* Polyhistor Gallicus, *Petrus Petitus*: invidendis illam cumulavit laudibus, inscriptione editâ peculiari, Nobilissimus Archiater Holsat. D. *Iob. Nicol. Pechlinus*, qui & Aram huic Theæ, velut



Dea, aut idolo potiùs, erexit, per ingeniosa lemmata. Panacéam, quasi omnium morborum turbæ aliquod Medusæ caput, posset Thea objici, vocârunt plures; atque tantùm non in cœlum extulerunt tot mangonum fraudibus obnoxiam, & rariùs ad ipsos Principes Germaniæ perlatam incorruptâ bonitate herbam. Qui *πολλὰν ἀστὴν καὶ νόον ἔχουσα*, *Lugdunensis* Medicus, *Jacobus Sponius* biennio superiori publicavit Gallicum libellum, *Traitez nouveaux & curieux du Café, du Thé, & du Chocolade*; in quo operationes vendicantur *Theæ*, fidem omnem supergredientes. *Wilhelmi hen Rhyne* commentationem, imò commendationem *Theæ*, singulari studio repræsentavit & examinavit luculenter *Francofurti*, sub Præsidio Professoris Viri inclyti, *D. Bernh. Albini*, solertissimus *Job. Melchior Gengius*. Jam tùm superiori seculo *Maffæus* Lib. 6. Indic. pag. 108. Idemque lib. 12. pag. 242. *Linschotanus* item de *Insula Japon.* cap. 26. atque ante hos *Trigautius* in descript. Regni *Chinens.* operam dederunt sedulam, ut non ignoraretur *Thea*. Meritissimus *Cosmopolita, Olearius Adamus* ille, dudum quoque in *Itiner. Pers.* cap. 17. hæc scripsit; fol. 599. edit. *Slesvic.* 1656. Zu *Isbahan* am *Meidan* ist unter andern Krügen (vel tabern. potator.) einer / welche sie (die Perser) *Tzai Chattai Chave* heissen; in selbigen / wie auch an andern *Orien* / trincken sie ein heiß schwarz Wasser / welches gekocht wird aus einem Kraute / so die *Usbeckischen Tartarn* von *Chattai* in *Persien* bringen: Es hat länglichte spize Blätter / etwan einen Zoll lang / und einen halben breit / siehet / wenn es gedörret / schwärzlich / rollet und frümmt sich als Würme zusammen / es ist aber eben das / was die *Chineser Thee* / die *Japaner* und *Indianer Chia* und *Chiaa* nennen; denn bey diesen Nationen diß Kraut in großem Werth gehalten wird. Die *Perser* kochen es mit klarem Wasser / Anis / oder Fenchel / etliche thun auch ein wenig Melken darzu / und versüssen es mit Zucker. Hat eine

con-



constringirende Krafft/ roboriret Magen/ Lung und Leber/ ja alle viscera, stärcket das Haupt/ und vertreibet die überflüssigen Feuchtigkeiten/ benimmt den Schlaf/ daß man etliche Nächte auffbleiben/ und seine Sachen munter verrichten kan; wenn es NB. mäßig genossen wird/ soll es den Menschen gesund erhalten/ und zu einem hohen Alter bringen. Et ante ipsum *Nicol. Tulpius* l. 4. Observ, Medic, cap. 60. *Japoniorum* Tchiam (nam ita apud ipsos appellatur) pluribus depinxit lineis & encomiis magnificis cohonestavit ex *Matthæo Ricio*, *Ludovico Almeyda*, *Aloysio Frois*, *Jacobo Bontio*, ac aliis: ut supervacuus omninò labor esse videatur, plura addere elogia ex *Olai Wormii Museo*, *Athanas. Kircheri China illustrata*, aut *Atlante Sinico Martinii*, aut *Jacobi Breynii Centur. exotic. plantar.* aut *Alexandri de Rhodes* sommaire des divers voyages & missions Apostoliques à la Chine; aut ex *Curiosor. Germaniæ Ephemeridibus*; ne noctuas Athenas mittere putemur.

§. II. Ad rem facit propius, mirari, aut rimari magis, an, & unde tot effectus incredibiles ab una herbâ Orientis extimi sperari debeant? In quâ dijudicanda re non præter rem præmittimus notatu digna verba equidem proluxiuscula, apprimè tamen facientia huc, quia in *Hodæporico Sinens.* nupero adduxit *Petrus van Hoern* part. 2. fol. 135. Unter andern heilsamen Kräutern hat das Sinesische Reich fast ein eigenes Kraut oder Gepüßsche/ auff Sinisch The und Cha genennet/ davon die Sineser und ihre benachbarte Völker den Tranck machen/ der mit dem Kraut eben dieselbe Nahmen The und Cha hat. Die Blätter dieses Krauts/oder Gepüßches/ sind den wilden Rosenblättern was ähnlich/ und soll niemand zweifeln/ daß der The eine Art Rosen sey/ jedoch ist er nicht wild/ sondern zahm/ auch kein Baum oder Kraut/ sondern ein Busch; weil er sich in viel Zweige und Reißlein vertheilet und ausbreieth. Dieser Busch wird im Felde auf kleinen Hügeln



gepflanzet/ etwan drey Fuß voneinander / und wächst so hoch und breit/ wie eine Europäische Rosen- Staude. Es sitzen die Zweige dieses ganzen Busches/ von unten bis oben an den Gipffel allenthalben voll Blumen und dünner Blätter/ welche vorne spitz zulauffen / umbher wie eine Säge eingefärbet/ und dunkelgrün von Farbe/ sind fast wie die Palmblätter; ohne daß sie was breiter und spitzer fallen; und wiewol die Blätter des ganzen Busches einerley Form und Gestalt haben/ ist doch ihre Grösse so unterschiedlich/ daß man an einigem Busche wol fünffterley Blätter siehet: die erste und größte Art / derer Gestalt mit dem Blättern des Garten Balsam- Baums gänzlich übereinkommen / sitzen an den untersten Zweigen. Darauff folgt die andere Art/ welche viel kleiner/ als die erste ist. Und dergestalt werden alle fünff Arten dieser Blätter von unten bis oben immer kleiner. Aber wie viel ihre Grösse kleiner wird/ so viel wird alle wege ihr Werth oder Preis größer. Denn wenn die Blätter gedörret/ und zubereitet/ gilt das Pfund derer / so die ersten sind / 5. Holländische Schilling oder 30. Stüber / die von der andern Grösse/ 15. Schilling/ die von der dritten 2. Reichsthl. oder 5. Holländische Gilden / die von der vierdten 15. Gilden / oder 6. Reichsthl. die von der fünfften und letzten Grösse 50. ja zum öfftern 100. Gilden/ oder 20. bis 40. Reichsthal. wo sie wol bereitet sind. *Hæc Petrus Hoornius, Legatione functus Sinensi & aurum.* Possent. hîc, si opus foret, addere adhuc in India Orientali commorantis ultra duodeviginti Annos *Dn. Christophori Nottuagelii, Medici, Avunculi colendi mei, testimonium ad Optimum Parentem scriptum; ut appareat, in quanto apud Indos habeatur pretio hæc genuina & ex prima dignitate Thea: sed, dum magis necessaria supersunt, brevitati potius studebo.*



§. III. Illud involvendum minimè silentio, nec moribus, nèc morbis talibus notabiles *Iaponia* ac *Sina* incolas, ut Europæos, esse: degere in locis temperatis adeò, ut possit illis ferè tribui perpetuum ver. De Regno *Cochinchina*, proximo *Tounguin*, prodidit memoriæ singularia Vir immortalis dignus famâ, & sine exemplo redux toties ex Oriente, Magni Electoris Principis Minister hodieque Berolini, Dn. *Job. Baptista Tavernier*, part. 3. Itinerar. lib. 4. c. 2. fol. 64 edit. Norimb. Germ. Ex diversâ aeris temperie diversa corporis & temperamenti habitudo surgit; ut non frustra scripserit Galenus librum, quo temperamentum corporis sequi mores animi ostendit. Cuius Sapiens propterea concludit *αἱ ἀέρες* libro: Magna ex parte hominum formas & mores regionis naturam imitari reperias, &c. ubi illa subdit: Quin & omnia, quæ è terrâ producuntur, terræ ipsius naturam sequuntur. Dixerat nimirum antea, qui fiat, cur diversos mores, morbos, motus qui in cœlo alio, & solo adeò remoto habitant experiantur? Rationem dat subtilis *Scaliger* l. 1. Commentar. in *Hippocrit.* de insomniis: quòd his similibusq; nationibus, ut multus, ita etiam dilutus sanguis sit, qui post primum æstuationis impetum defervescat. Inde Indos pariter & Mauros pertinacissimè obire mortem, verè ait. *Nec est* ( ut *Huartus Ianus*, Doctor Medicus Hispanus scribit in scrutin. ingen. c. 4. ) quòd ita longè abeamus, ac ipsas adeò procul à se distitas invicem comparemus nationes. Quin si vel solas Hispaniæ provincias conferamus invicem, facilè nobis exempla vitiorum ac virtutum in ipsis patebunt indigenis. Hinc ingenta diversa diversiqve mores *Gothalanorum*, *Valentinorum*, *Murcianorum*, *Granatensium*, *Baticorum*, *Estremenorum*, *Lusitanorum*, *Gallæcorum*, *Asturianorum*, *Montanorum*, *Carthaginensium*, *Navarræorum*, *Arragonum*, & in ipso Castellani Regni mediterraneo degentium populorum naturam faciem animiq; vitia & virtutes deprehendimus. Jam dudum quoque *Cicero* 2. divinationum & de natura Deorum sollicitè hanc rem expendit, ferè ut *Lucanus* 8. *Pharsalicor.* v. 363.



*Omnis in Arctoïs populus quicunq; pruinis  
Nascitur, indomitus bellis & mortis amator.  
Quicquid ad Eoos tractus mundi, teporem  
Labitur, emollit gentes clementia cœli.  
Illic & laxas vestes & fluxa virorum  
Velamenta vides, — — —*

§. IV. Quorsum hæc tam operosè? dicat aliquis: ut constet, inquam, quàm rectissimè: *Non omnia omnibus conducunt* dictum sit. *Seneca* rectissimè ad *Helv.* c. 6. *Hominum ingenia ad similitudinem cœli sui componuntur.* Alia nimirum aura, virtutes, vitia, alimenta & medicamenta sunt *Sinensium & Japonensium* alia *Europæorum.* Non ex quolibet fit quodlibet. Illi mississimum sanguinis ad sanitatem ordinariam ignorant; nostri sine eâ vivere se posse dubitant. Illi *thermopotæ Theam* amant, nostri vinum atque generosos potus hauriunt immodicè. Illi victum simplicem imprimis, nostri mille appetunt cupedias, & opusodædalorum chaos. Illi exquisitis sese recreant odoribus, e.g. *Ambra, Moscho, Cinnamom.* oleo similibusque; nostri homines *Nicotianæ* fumo ad fastidium luxuriare solent. Illi ebriositatem nesciunt, sobrietatem nostri. Quis miretur igitur, cum cœlo, solo, salo, alimentis & medicamentis differant ab *Europæis* & *Indis*, non perinde usui esse illis posse, quæ his sunt. Stultum inde videatur mori, aut pericula subire tot, pro illa apportanda. Credant, qui volent, hæc elogia, quæ refert *Nobilissimus then Rhyne* „Sanguinem purificat, horrenda pellit insomnia, vapores à cerebro „arceat malignos, vertiginem capitisque dolorem (præsertim à crura „pulâ ortum) mitigat, *Hydropicis* conducit, egregiè enim diuretica est; capitis rhevmata exsiccat, humorum acrimoniam corrigi- „rigit, obstructions viscerum tollit, visum instaurat. Cl. item *Pison* „in *Commentar. ad Bontium*: Corpora reddit vegeta, imprimis au- tem



in hebetiores à somno ac torpore sensus expergefacerit: Cor.,  
 hilarat, timoremq; propulsat; intestinatorum tormina ac flatus,  
 impescit, illosque qui uterum infestant, discutit; viscera vires-  
 e roborat, reminiscendi vim exsuscitat, ingenium acuit, bilem,  
 operat, nephritidem tollit medicamen lithontripticum &c.,  
 id inde sequitur? Hoc nempe, ut exclamet personatus in-  
 atro Roscius, exemplo Batavi illius Medicastrum, cujus (impe-  
 à prius venià) consilium hinc adducemus:

*Hout u hoofi, en vooten warm,*

*Overlaedt met uwendarm,*

*Hout u gat gestaedig oopen,*

*Duck wils van the Thee soopen,*

*Laet den Doctor quatly loopen.*

conf. etiam  
 Bontek. l.c. p.  
 418. 430. &  
 454. part. 3. Th.

illi fructus sunt, si spretis aliis necessariis, ex sola Thea, Pana-  
 fingitur, & quasi Dea.

## CAPUT III.

### *de Natura THEE, & abusu ejus, cum examine.*

#### §. I.

Evolumur nunc ad ipsum Herbæ examen, judicium inde,  
 non studio partium, non irâ, non præconceptâ opinione, ali-  
 quod laturo. Inter omnes autem constat, decantatam Theam  
 adeo à multo tempore, incolis notam, nullo (ut Japonenses præ-  
 am) antiquitatis vestigio apud oculos aliâs Sinenses, inter hi-  
 glyphicos characteres existente; indicio evidenti, vel nullum  
 in his gentibus, vel obscurum, vel annalibus indignum usum fu-  
 isse;



isse; donec peregrinorum novatorum cupido & credulitas superstitionis herbæ pretium imponderet. vid. *Guilielmus Piso* Comment in *Bontii* Historiam natural. & Med. Ind. c. 1. l. 6. interpretibus *Carone*, aliisque Indiæ præfectis; nec non *Nicolaus Tulpius* Observ. Med. l. 4. c. 60. *Jacob. Sponius* in Tractatu curios. de *Coffe*, *Thee* & *Chocolade*, Germanicè verso p. m. 131. licet contra terminum à *Celeberr. D. Simone Pauli* ab anno demum 1644. deductum, nimis angustum, historicâ fide confirmemur. Cum non à *Baubino* modo in *Pinace* Ao. 1623. sed & seculo superiori ejus mentionem factam fuisse constet. Avitis interim temporibus nihilo infelicioribus existentibus, decessisse pristinae longævitati securitatiqve, herbæ defectu, nec accessisse usu quicquam, compertum sit. Ut causæ autoritas admodum vacillet, certissimaqve fraudis atq; vanitatis suspicio relinquatur.

§. II. Rarioris proventus atqve tardioris esse cum in *Japonia*, tum in *Sinâ*, nec suâ sponte, sed tertio demum anno ex semine, singulari culturâ resuscitari, adeoque caram haberi, patet; ut non quingvagina, vel centum libris Gallicis, sed quingentis redemptam *Dn. Tavernier* testetur, raroq; ad nos, fassente ipso *Bontekoë*, part. 3. Thes. 51. p. m. 413. Societatis Indiarum Orientalis culpâ perferatur; infallibili argumento, illam, quæ hodie tam copiosè tolerabilique pretio affertur, adulteratam, delectam, sole exustam, situ corruptam, & mille fraudibus larvatam, novaturientibus imponere.

§. III. Signaturam autem, atqve hinc oriundum characterem specificum (cum seminis indicium æquè fallax, nec omnino quidem cum fructu, seu baccis ad nos perveniat,) quod attrahit, licet ut vanam penitus rejiciant osiores, condonandum illud tamen vitium Theelosis quidem esset; modò ne cespitarent adeo in definienda specie ac ambigerent; alio ad *Fœniculi*, *Chamaeleagni*, *Sumach*, ad *Spirea Paracelsi*, *Brusci*, *Myrtus Brabantica* familiam se convertente; ut de quintuplici ex uno frutice oriundâ differentiâ, notabili figuræ, pretii, ac virtutis discrimine nihil dicam. Ex quo colligitur, quòd nec de rei veritate, ne dicam.



de utilitate certi quicquam liceat statuere. Accedit, quòd, apud *Sinenses* qui fuerunt, genuinam *Theam* viderunt accuratius, & explorârunt, similia sylvestris rosæ foliis illius folia deprehenderunt. Ita sanè allegatus supra *Petrus Hoornius*, Legatus ad *Sinenses* in Itinerar. part. 2. *Daß die Thee eine Rosen Art sey / soll niemand zweiffeln / &c.* Veritas non nisi una est, difformis semper falsitas. Falluntur igitur, aut fallunt, qui tot uni herbarum tribuunt figuras, vires, æstimationes.

§. IV. Accedit desiderium allegatorum ab Autoribus characterum & proprietatum, coloris nempe, odoris, saporis; quem viridem, violaceum, & cum blandâ adstrictione gratè amaricantem testantur, recentem insuper commendantes ad unum omnes. Dum interim cum *Dn. Bontekoe*, gramineo odore, colore terrestri, sapore fatuo contentum esse palatum petulans oporteat. Licet nec in hoc casu sagacioribus impostoribus fallendi materia desit; aliis virorem lixivii adspersione mentientibus, odorem aliis *Nicotianæ* temperationis, foliis eminùs explicatis, appositè restituentibus. Quod elementum utut anomalum, & à laudato odore alienum sit; non deserit tamen (novimus) adulteros, sicut *Ambram* vili materiâ emeritumqve *Moschum* sale urinoso, balsamum *Apoplecticum* delicatissimè fragrantem, modico *Succini* oleo, vel *Castorei* momento feliciter exaltare solent.

§ V. Reliquis (vulgò vocant curiositates, non certè à *Borello*, *Malpighio*, *Grewo*, & *Bartholino* demum protractas in lucem, benè tamen ornatas, *Spigelio* inventionis gloriâ relictâ,) minutiis in *Theæ* contemplatione supersedemus; de fibris, membranis, reliquisq; creditis visceribus securi; maximè circa succum & sanguinem, non verò coquorum sudorem solliciti. In quò studiù genere sanè ab antecessoribus ferè deserti parùm profecimus, præter laudum immodicarum cumulos vix solido experimento relicto. Nisi quòd Celeberrimus *Pechlinus* per modum præcipitationis cum *⊕*lo; *Dn. Johann. Melch. Gengius* Disput. de *Theâ* Francof. ad Viadr. habitâ sub præsidio laudat. *Dn. D. Albini* th. 8. per destillationem, oleo *Nicotianæ* æmulo producto, ingenium *Theæ* explorârunt; suum



suum etiam infelix Medicus extractum *Bontekoë* p. 487. adjecerit. Interea salem volatilem, balsamicum, oleosum, particulasq; hamo-  
sas blandè adstringentes singuli urgent, effusissime in virtutes a-  
nodynas, antiscorbuticas, diureticas, lithontripticas, excurrentes.  
Quæ an præstita unqvàm, vel indè expectanda sint? dubitamus;  
veriti, ne famam non sustineant elogia, verbaqve ipsa denique  
eventu erubescant. Quare propius ad ignem accedendum partim  
actualem, partim potentialem, ut plus satis incalescat emortua  
hæc Dea, *Thea*, obscuraqve luci exposita omnibus pateat.

§. VI. Salem volatilem verum, non Chimæricum, tripliciter  
in statu inveniri rerum matura atqve ars æmula testatur: (1) Pri-  
mus status fugitivus ac liber, (2) secundus medius, (3) tertius fixa-  
tus, & quoad sensus vix perceptibilis. Hæc res ut clarior fiat,  
exemplis efficiemus. Prioris salis volatilis naturalis præsentia in  
*Armoracia*, *Nasturtio*, *Cochlearia*, levi tritu proditur; unde incon-  
stans, nec moram sustinet, nec ignem, cui reliqui odores mox pe-  
rituri *Jasmini*, *Hyacinthi*, *Tuberosæ*, *flor. Aurantior. Violar. Geni-  
fæ Hispanicæ* accenseri debent. Ex artificialibus salia omnia urino-  
sa dicta, e. gr. *Uri*, *viperar.*, *C. C. Urinæ*, huc quadrant. Alteri-  
us generis sunt salia volatilia oleosa, aromatico odore notabilia;  
quæ vel pingviori *Æi*, vel viscositati implicata custodiuntur; ut sunt  
*Rosmarinus*, *Feniculum*, *Melissa*, *Juniperus*, *Sassafras*, *Gummatum  
Ase*, *Camphora*, *Castoreum*: ex artificialibus olea destillata aroma-  
tica. Terti deniqve generis iterum triplicia sunt; vel essentialia  
dicta, & per coctionem & coagulationem parari solita; quale sal  
ex *Betulæ* liqore copiosè collectum est; vel per fermentationem,  
ut in *Lilior. convall. Rosarumq; putrefactarum*, item *Trifolii fibrini*  
spiritu patet, (sunt autem spiritus nihil aliud, quàm salia volatilia,  
phlegmate soluta, vel ignis torturâ producta) hæc, quæ talia, rara;  
vel nulla sui indicia produnt; unde rectorem postulant artificem,  
quod terrestribus impedita particulis sui juris non sint, istis com-  
pedibus violentâ manu liberanda. Ex artificialium catalogo ad-  
scribimus salia volatilia fixata, non castrata; illa violentis minera-  
lium acetis, spiritu Oli & similium, sed delicato acido in concre-



# THEÆ NOVISSIMA.



EXigua. ingentis. solatia. luctus.  
Agonizat. Thea.

An. Dea.

Panacea. deficit.

Versum. immortale. nectar.

Oblivioni. jam. litatur.

Idolum. occidit.

Attoniti. Vates.

Salibus. suspiria. miscent.

Victimæ. exsangvi. cruorem.

Pudore. restituentes.

Post. fata. etiam. infelix. cadaver.

Negligitur.

Negat. Ægyptus. mumiam.

)(

Balsa-



Balsamum. Patria. Germania. succinum.

Picem. ne. tangas.

Jam. malè. olet.

Humandum. est. plures. ne. inficiat.

Exsurgat. rogos.

Reddaturque. Laribus.

Emeritæ. favilla. herbæ.

Coëant. in. urnam. calices.

Terrâ. figillatâ.

**Mundus. vult. decipi.**

Detraxit. delubro. larvam.

Incorruptus. Naturæ. Myſta. Chymia.

Sceletoque. superbit.

Cave.

Crepat. apologiam. aretologus.

Experimentaque. ridet.

Jampridem. quadrupedum. elementorum.

Philosophia. exulat.

Non. calidum. non. frigidum.

Sed. &. tibi. cave.

Coë.

Imperatur. silentium.

Suspe-



Susp ecti. etiam. saporum. interpretes.

Sales.

Infidus. testis. Vulcanus.

Vana. fermentorum. examina.

Arcana. virtus. eminet.

Insipida. Sulphure. vacua.

(Oleum. ac. operam. perdidimus.)

Mercurii. expers.

Magnetem. Acu. tangunt.

Paradoxon. narras.

Ita. est.

Sed. Martem. fastidit. Aurum. attrahit.

Stramineum. naturæ. miraculum.

Tace. si. sapis.

**Vixit.**

Medicina. ad. vitam. longam.

Non. solo. fumo.

(Nicotianæ. elemento.)

Sed. fama.

An. vana. mavis. opinione.

Credulorum. otio. aucta.

Nata.

Sub



Sub. āuspicio. novitatis.  
Postvortâ. obstetricante.  
Non. Prosâ.

Nutrita.

Meretricia. mercatorum. fraude.

Adulatorum. assensu.

Adolevit.

Magnatum. autoritate.

Intumuit.

Donec. superstitionis. servitutem.

Excuteret. religio. veritatis.

**Soli. Theæ. gloria.**

Nulla. penitus. relicta.

Eheu. lemures. me. terrent.

Fallorne. an. errant. umbræ.

Pythagoream. supplicantes. metempsychosin

An. metamorphosin.

Per. me. licet.

Redeant. olim. in. **carduo.**

An. ad. palatum. futuræ.

Judica.

Parentatum. est.





um Hermaphroditicum coacta, levi iterum ignis aurâ refuscitatur; de qua materia in argumento de Ole  $\Psi$ ri coagulato, sub No-  
liff. Dn. Præsidis nostri moderamine edito occurrunt plura.

§. VII. Horum omnium non nudiustertius, sed jam à mul-  
to tempore instituto experimentorum examine, ne simulacrum  
videm in sterili & imbecilli *Thea* repertum fuisse, fides oculata-  
rum manuum nos docuit; comparatâ hoc sine satis magnâ copiâ  
retiosâ, nec nisi semel coctæ *Theæ* in Aulis duabus Illustrissimis,  
cedente insuper liberalitate duorum Serenissimorum Principum,  
recentis ac selectioris *Theæ apparatus* Præsidem mactantium. Mi-  
randum modò, nisi simul indignandum, cur, cum tot antea ex le-  
ce moriantur methodi, (ut loquitur *Helmontius*,) ad morbos pro-  
erent & mortem homines Nobiliores; per quotidianum *Theæ*  
austum tam immodicum, *Hydropem, ἀγυννίαν, virium defati-*  
**NB.** *gationem, maritalis debiti extinctionem*, suo sibi soleant ar-  
cessere jumento, & τὸ πœnitere tanti redimant.

§. VIII. Nunc primi ordinis volatilitatem æquè ac secundi  
oleosi, nemo emunctæ naris admittet; cum sensus effugiat; aut  
illâ arte exprimet, nisi oleum ingratissimum & foetidum venditare  
velis. Postquàm enim foetidis deploravit fata sua lacrymis, hor-  
rendum sulphuris succedit magma, abjectissimo cadavere, omni sa-  
pe vacuo, in fundo remanente. Tertiâ ratione successus planè ir-  
ritus ac desperatus est. Nam nec per se, nec alieno stimulo adju-  
um fermentationem subit, situ atque putrilagine abominandâ suc-  
cedente. *Salis* medii vana rursus expectatio, licèt circumspicte  
atque cautè admodùm negotium aggrediaris. Denique an in  
combustione salem largitura sit fuligo? Philosophi fumosi testa-  
buntur; qui sapientiam ex fistula haurire consueverunt. Sal  
fixum, cum ex combustionem colligi, nisi parcissimus, vix queat, for-  
san copiosior invenietur in quisquiliis eorum, qui ex foliis bis mor-  
tuis (vid. *then Rhyne* citat. *Gengio* dissert. de *Thee*, p. ii. à fin.)  
lactucas præpararunt. Tincturas & extracta quod concernit, tam  
cum spirituosiss, quàm aqueis parata, adeò imbellia reperies, ut sum-  
ptus perdidisse pudeat tempusque aureum. Unico, antequàm hinc  
abeam,



abeam, experimento, *Bontekoë* respondendum adhuc, qua acido  
 commissum extractum fermentasse asseverat; quasi verò omnia  
 quæ cum acidis congregiuntur, Sale volatili, ut ipse imaginatur  
 bi, abundarent; cum & Alcalia & terrestria, & acida cum acidis  
 coëant ac tumultuentur. Hæc sunt, quæ experto innotuere ex in-  
 digni elementi anatomia.

§. I X. Quibus ita se habentibus, facilis erit de effectibus  
 conclusio; cum, quotquot noti, licet in principio communis con-  
 pinionis assensu, incantati ad cœlum eā attollerent, pessimè habuerint  
 inde; quibusdam tempestivā abstinentiā cautioribus factis, alii  
 contra ad internecionem deductis. Uti Hydropicorum ac *ata*  
*viæ* ventriculi, indeq; sequente desperatā diarrhæā confectorum  
 exempla quamplurima possemus allegare. Nec obstat assensu  
 Aulicorum, aliorumque autoritas; quorum rationem reddendi for-  
 san in conflictu dabitur occasio. Interea non omnem tamen in  
 patriā herbæ recentis virtutem denegamus; nec in nostris regionibus  
 calidæ damnamus potum, cum solius Aquæ coctæ usus medi-  
 cus & tempestivè sumtus egregios effectus olim præstiterit, & præste-  
 etiamnum; maximè, si aromate balsamicarum herbarum domesti-  
 carum, eviratam *Theam* longè superantium, animetur: *Cha-*  
**NB.** *mædris* puta, *Fumariæ*, *Trifolii fibrini*, *Veronica*, *baccar. Jun-*  
*peri*, (cum potus *Lappæ* etiam admirandā cum felicitate usurpetur  
 „de *Salvia* quid dicam? quæ tantoperè ab Indis æstimatur, ut hujus  
 libram unam duplicato *Theæ* pondere permutent; velut luculen-  
 ter graviterq; *Sponius* testatur. Tantum est de *Thea*. Soli  
 DEO semper, nunquàm soli *Theæ*, gloria  
 dicenda!

\* p. 14. §. 5. *silentium pro vitium*. Ead. p. §. 1. lin. 15. *omiss. voc.*  
*cum nec.*

